

ANEKS 1
(I Rregullores së Revistës Shkencore "OPTIME")

UDHËZUES MBI ZBATIMIN E RREGULLAVE TEKNIKE TË PARAQITJES SË ARTIKUJVE
SHKENCORË

- Vlerësimi i artikujve dhe aprovimi i tyre.

Materialet (artikujt) i adresohen revistës "OPTIME". Materiali dorëzohet në 3 kopje (një origjinal dhe 2 fotokopje) si dhe *në formën elektronike*. Ai duhet të shoqërohet me adresën *e emailit të autorit* me të cilin do të lidhet Bordi Shkencor në vazhdim. Gjithashtu dorëzohet *një formular*, i cili duhet të firmoset nga autorët e tjerë që i delegojnë autorit kryesor kompetencat. Autorësia nënkupton që secili autor të ketë marrë pjesë në mënyrë të mjaftueshme në punim, aq sa të marrë përgjegjësi publike për përmbajtjen e tij. Renditja e autorëve përcaktohet nga vendimi i përbashkët i bashkautorëve.

- *Artikujt dërgohen në mënyrë elektronike në adresat e kontaktit optime@albanianuniversity.edu.al.*
- Artikujt i nënshtrohen vlerësimit të Bordit Shkencor, i cili miraton për botim pasi janë bërë modifikimet eventuale nga ana e autorit.
- Materiali i korigjuar në versionin përfundimtar i dërgohet Kryeredaktorit.
- Pasi kthehet materiali për rregullime, ai ridërgohet në formën përfundimtare për tu parë nga ana redaksionale dhe drejtshkrimore të gjuhës shqipe. *Nuk pranohet zëvendësimi i shkronjes ë dhe ç me shkronjat e dhe c.*
- Materiali duhet të renditet sipas kësaj mënyre :

1. Artikujt duhet të prezantojnë një punë studimore, kërkimore, shkencore dhe të evidentojnë elemente të qartë origjinaliteti. Autori/ja duhet të evidentojë gjithashtu aftësi interpretuese, aftësi kritike, aftësi dogmatike, aftësi rinovuese të mendimit shkencor. Këto parametra përbëjnë kriterin kryesor për vlerësimin e artikujve.

2. Çdo shkrim duhet të ketë një strukturë e cila duhet të përmbajë në mënyrë të detyrueshme elementët e mëposhtëm:

- 2.1. Marzhet duhet të jenë: 3,5 cm. në krye, 3 cm anash dhe poshtë.
- 2.2. Artikujt duhet të shkruhen me karakter "Times New Roman" me madhësi karakteri 12. Teksti duhet të jetë justified me "hapësirë 1".
- 2.3. Titulli i artikullit të jetë me shkronjën në madhësi 14.
- 2.4. Në abstrakt paraqitet qëllimi, metodat, rezultatet dhe përfundimet.
- 2.5. Pas titullit duhet të vihet emri i autorit (pa kualifikime ose tituj) dhe institucionin ku është kryer puna. Lidhjet e departamenteve ose institucioneve duhet të përcaktohen pas emrit të secilit autor me asterisk *, **, *** etj. Titulli i artikullit të jetë sintezë e problematikës që ai trajton, i organizuar në mënyrë të saktë dhe të përmbledhur.

TITULLI (times new roman 14)

Autor 1*, autor 2**, autor 3***

*Institucioni, Departamenti

**Institucioni 2

***Institucioni 3

Poshtë titullit të artikullit dhe emrit të autorit, të jepet: **Abstrakti** i cili paraqitet në shqip dhe në versionin anglisht dhe përmban jo më shumë se 250 fjalë.

Abstraktit në anglisht i vihet edhe titulli në të njëjtën gjuhë. Abstrakti duhet të japë detaje të metodave të përdorura dhe gjithashtu gjetjet më të rëndësishme të të dhënave. Duhet të ketë tituj me shkronja të mëdha / të mëdha për: qëllimin; metodat; rezultatet; statistikat; diskutimi dhe përfundimi.

- 2.6. Poshtë abstraktit shkruhen fjalët çelës. "Fjalët Çelës: jo më pak se pesë fjalë.
- 2.7. Hyrja dhe përmbajtja e artikullit duke radhitur të gjitha nën çështjet.
- 2.8. Artikulli duhet të jetë i strukturuar gjithmonë me disa nën çështje në varësi të tematikës që shtron. **Çdo artikull duhet të ketë të paktën 10 referenca, vepra dhe artikuj shkencorë.**

3. Materiali

- 3.1 Gjatë shtjellimit të materialit çdo referencë, figurë dhe tabelë numërohet në shifra arabe me numër rendor sipas rendit që citohen në tekst. Kur janë më shumë se 2 referenca ato citohen konform rregullit dhe ndahen me presje në footnote-ën përkatëse.
Nuk përdoren shkurtime të tjera përveç atyre që janë përdorur në abstrakt.
- 3.2 Falënderimet shtypen në mbarim të tekstit pas referencave.
- 3.3 Grumbullimi i materialeve bëhet mbi bazën e tematikës dhe duhet të orientohet në dy burime: kërkimor shkencor apo përmbledhje literature (review).

4. Referencat

Çdo artikull duhet të ketë footnote dhe referenca për çdo material dhe autor të studiuar dhe referuar. Footnote-a duhet të shkruhet me shkrim "Times New Roman 10" dhe të përmbajnë: autorin, titullin e veprës, vendin (në rast monografie) dhe datën e botimit, faqen nga është marrë citati. Notat duhet të jenë me "spacio 1" dhe teksti të jetë justified. Notat duhet të jenë në kllapa si në tekst ashtu edhe në fund të faqes. P.Sh. GJ. SHKURTAJ, *Shqipja e sotme*, Tiranë: UFO Press, 2010, f. 261.⁽¹⁾

Footnote-at duhet të vihen:

- 4.1 Në rast citimi të një monografie emri i autorit me të madhe, titulli i librit me shkronja të vogla - *corsiv* -, qyteti i botimit, viti, faqja. (P.sh. A.DURO, *Termi dhe fjala në Gjuhën shqipe*, Tiranë: Fan Noli, 2009, f. 21. (rast monografie);
- 4.2 Në rast citimi të një artikulli, emri i autorit me të madhe, titulli me shkronja të vogla - *corsiv* -, emri i revistës - në *corsiv* -, numri, viti, (mund të vihet por nuk është e detyrueshme edhe qyteti dhe shteti ku publikohet revista) faqja. P.sh. J. THOMAI, *Studimet në semasiologji-detyrë me rëndësi për gjuhën tonë*, në *Gjuha Jonë*, nr.1, Tiranë: ASHSH, 1988, f. 341.
- 4.4 Në qoftë se janë cituar dy apo më shumë autorë me të njëjtin mbiemër në tekst, atëherë duhet të shkruhen edhe inicialet e emrit të tij.
- 4.5 Në qoftë se një artikull apo një monografi është cituar më parë, atëherë nuk është më e nevojshme ricitimi komplet, por duhet cituar sipas shembullit që vijon: GJ. SHKURTAJ, *Etnografia e të folurit të shqipes*, cit., f.45 ose GJ. SHKURTAJ, vep. Cit., f. 45. Në qoftë se një autor është cituar dy herë në lidhje me dy vepra të ndryshme, atëherë duhet aplikuar forma e parë e ri-citimit (.GJ. SHKURTAJ, *Kundrime gjuhësore*, cit., f. 55).

(¹) GJ. SHKURTAJ, *Shqipja e sotme*, Tiranë: UFO Press, 2010, f. 261.

- 4.6 Vendimet e gjykatave duhet të sinjalizohen në footnote ku të specifikohet data dhe numri i vendimit. Në qoftë se vendimi është publikuar në një revistë shkencore duhet të citohet edhe emri i saj, viti, numri, faqja e botimit. Emrat e palëve të vendosen me initiale. Përmbajtja e vendimit gjyqësor që është në fuqi mund të analizohet dhe diskutohet, duke dhënë opinione dhe analiza ligjore. Qëndrimi i autorit dhe mendimi i shprehur prej tij mund të jetë i ndryshëm apo i kundërt me atë të dhënë nga vendimi, por ai duhet të jepet nga pikëpamja doktrinale mbi problemin që analizohet dhe jo e lidhur me vendimin. I takon shkruarit/shkrueses të shpjegojë nga ana teorike, sistematike dhe dogmatike elementë pro dhe kundër një mendimi shkencor doktrinor apo një vendimi të një gjykate;
- 4.7 ***Për artikujt që janë prezantim rasti klinik*** Formati për këto raporte duhet të ndjekë një paraqitje të ngjashme me punimet kërkimore. Adresa e faqes së titullit, e autorit duhet të jetë e njëjtë. Duhet të ketë një abstrakt që përshkruan shkurtimisht rastin dhe trajtimin e ofruar. Titujt në abstrakt dhe në tekst duhet të jenë - HISTORIKU për rastin / teknikën klinike duhet të shpjegohet shkurtimisht dhe RAPORTIMI I RASTIT, i cili të përshkruhet në detaje. Duhet të ketë një përshkrim të kujdesit klinik FOLLOW-UP të kryer, i cili duhet të ketë qenë për minimumi dy vjet kur është e përshtatshme, kjo do të tregojë shkallën e suksesit dhe së fundmi duhet të ketë një PËRFUNDIM të shkurtër. Për paraqitjen për raportet e rastit, duhet të merret pëlqimi nga pacienti / kujdestari.
- 4.8 ***Provat e origjinalitetit të fotove:*** Nëse nuk tregohet ndryshe, provat e galerisë do t'i dërgohen autorit të emrit të parë përmes postës elektronike dhe duhet të kthehen jo më me vonë se 48 orë. Ndryshimet e bëra në provat e galerisë, përveç korrigjimit të gabimeve të printerit, i ngarkohen autorit. Shifrat dhe fotografitë duhet të jenë të një cilësie të mirë për botim dhe për këtë arsye duhet të paraqiten si imazhe jpeg 300 dpi. Shkrimet që nuk i përmbahen këtyre udhëzimeve do tu rikthehen për rishqyrtim autorëve